



Bosnia and Herzegovina  
Federation of Bosnia and Herzegovina

**CANTON SARAJEVO**  
**Canton Development Institute**

Broj: 01-021-901/20  
Sarajevo, 08.05.2020. godine

PRIMA: Portal avaz.ba – redakcija portala na email: [web-redakcija@avaz.ba](mailto:web-redakcija@avaz.ba)

PREDMET: Reakcija na tekst

Poštovani,

U vezi sa tvrdnjama i podacima koje ste naveli u tekstu „Pravnim smicalicama Hulusić blokira izgradnju Prve transferzale“ objavljenom u novini Dnevni Avaz broj 8922 osjećamo potrebu da Vam se javimo i zahtjevamo da objavite naš demant u potpunosti:

Zavod za izgradnju Kantona Sarajevo i svi njegovi uposleni rade isključivo u službi građana a ni u kojem slučaju u službi bilo kojih političkih grupacija. Jedan od prioriternih projekata u Zavodu za izgradnju Kantona Sarajevo jeste i projekat I. Transferzale ali je naš cilj raditi na istom isključivo u skladu sa pozitivnim zakonima i pozitivnim zakonskim propisima države BiH a ne „po zakonu“ kojim se služe politički moćnici.

Niko ne može od Zavoda tražiti da mimo zakona iz privatne imovine istjerujemo jedne građane na ulicu, da rušimo njihovu legalnu privatnu imovinu, zaradi interesa drugih bitnijih građana. Privatno vlasništvo je ustavom zagarantovana kategorija i nju štiti svaki zakon u našoj državi, a posebno zakon o eksproprijaciji.

Za rušenje nelegalno izgrađenih objekata na trasi Prve transferzale u skladu sa zakonom nadležni su građevinsko-urbanistički inspektori koji su Zahtjeve za uklanjanje SVIH nelegalnih objekata na trasi Prve transferzale dobili još u 2019. godini od strane nosioca ovog projekta Direkcije za puteve Kantona Sarajevo! Odgovore na pitanja zašto se nelegalni objekti ne ruše na trasi Prve transferzale postavite nadležnim inspekcijama, a ne adresirajte ih Zavodu za izgradnju Kantona Sarajevo.

Konkretni navodi da neko u Zavodu „radi za Penny“ kako ste to naveli u navedenom tekstu su maliciozni i tendenciozni, pa ih moramo demantirati radi javnosti jednostavnom informacijom – sa bilo kojim uposlenikom ili bilo kime iz vlasničke strukture kompanije „Penny“ Zavod je učestvovao samo na jednom sastanku koji je organizirala Vlada Kantona Sarajevo u proširenom sazivu! Dalje, Zavod nikada do sada nije ni pristupio procesu eksproprijacije lokaliteta firme „Penny“ jer nam općina Centar do danas nije dostavila adekvatnu legitimaciju. Osnova za komunikaciju Zavoda za izgradnju Kantona Sarajevo sa spomenutom kompanijom zbog neposjedovanja tog dokumenta, dakle, nije ni bilo.

Zavod je u postupku eksproprijacije sporazumno uspješno riješio najveći broj predmeta, dok su ostali pred općinom Centar, općinom Novo Sarajevo i općinom Vogošća u postupku rješavanja. Općine donose rješenja o eksproprijaciji sa različitim dinamikom rješavanja, na šta Zavoda nema ovlasti da utiče.



e-mail: [zik@zik.ks.gov.ba](mailto:zik@zik.ks.gov.ba), <http://zik.ks.gov.ba>  
Tel: + 387 (0) 33 254-900, + 387 (0) 33 254-945,  
+ 387 (0) 33 254-921  
Fax: + 387 (0) 33 226-523  
Sarajevo, Kaptol 3

Bosna i Hercegovina  
Federacija Bosne i Hercegovine  
**KANTON SARAJEVO**  
Zavod za izgradnju Kantona



Босна и Херцеговина  
Федерација Босне и Херцеговине  
**КАНТОН САРАЈЕВО**  
Завод за изградњу Кантона

Bosnia and Herzegovina  
Federation of Bosnia and Herzegovina

**CANTON SARAJEVO**  
**Canton Development Institute**

Umjesto da se svi zajedno angažujemo na otvaranju javnih radova u vrijednosti od 54 miliona KM na slijedećoj dionici izgradnje Prve transferzale – „tunel Kobilja Glava“, za čiju realizaciju i izgradnju Direkcija za puteve Kantona Sarajevo i nadležno ministarstvo čeka ratifikaciju sporazuma od strane Vijeća ministara BiH, odlučili ste da građanima stvarate medijsku sliku da se ništa ne radi na izgradnji objekta Prve Transferzale, što za rezultat može imati devalvaciju projekta, odustajanje od istog – a napominjemo Vas, u takvom stadiju hibernacije projekat je već bio proteklih 50-tak godina, što mi u Zavodu ne želimo nipošto da se vrati.

Poštujući uzuse osjetljivosti Vaše profesije očekujemo da ćete ubuduće prilikom tretiranja Zavoda za izgradnju Kantona Sarajevo u nekim od Vaših tekstova iskoristiti poslovnu politiku koju mi u Zavodu za izgradnju Kantona Sarajevo sa ponosom baštinimo – a ta je potpuna otvorenost i transparentnost u radu prema svim sredstvima informisanja naših građana – doći u Zavod za izgradnju Kantona Sarajevo i imati uvid u bilo koju dokumentaciju koja Vam je potrebna da bi kvalitetno informisali Vaše čitatelje.

Sa nadom u Vašu pravovremenu reakciju,

S poštovanjem,

DIREKTOR

Hulusić Mirza, dipl.ing.arh.

Dostaviti: Regulatorna agencija za komunikacije BiH



e-mail: [zik@zik.ks.gov.ba](mailto:zik@zik.ks.gov.ba), <http://zik.ks.gov.ba>  
Tel: + 387 (0) 33 254-900, + 387 (0) 33 254-945,  
+ 387 (0) 33 254-921  
Fax: + 387 (0) 33 226-523  
Sarajevo, Kaptol 3